

ՅՈՒԴՈՒԱԿ

Յաղագո Հաստատելոց

ՀԱՅԿԵԱՆ ՃԵՄԱՐԱՆ

Դ մեծի մայ Սաքաղաբին Անդրկոյ՝ ի Լոնդոն:

1862 Sept 2.

ՅՈՐԴՈՐԸԿ

Յաղագն հաստատելոյ


# ՀԱՅԿԵԱՆ ՃԵՄԱՐԱՆ

Դ մէսի մայրաքաղաքին Անդղիոյ՝ ՚ի Լոնդոն:



Տպագրեալ ՚ի Տպարանի Մարդասթրական  
Ճեմարանիւ

Դ Կալկաթա, ՚ի 1 Հոկտեմբերի 1825:



କାନ୍ତିରାଜମହାରାଜ ପଦମହାରାଜ  
ଏଥାପାଇଁ

କାନ୍ତିରାଜମହାରାଜ ପଦମହାରାଜ

Արքում է բարձրացնելու համապատասխան իրացությունը և  
առաջ կազմակերպությունը՝ ու նույնականացնելու համար է  
Առաջ · 22 · 6:

Դ Շերազ, ՚ի 1 Յունիարի, 1825:

Վապետ Յավհաննես Ավագալեանց,

Թանգ Պարոն,

Քաջալերեալ իմ ՚ի փոխադարձ  
քարեկամե մերմե՝ ՚ի Պարոն Մարտիրոսի  
Մկրտիչ Դաւթեանց, Համարձակիմ Գրել  
առ քեզ զթուղթս զայս, թեպէտ և ոչէ  
իմ տեսեալ զքեզ բնաւին:

Պարոն Մարտիրոս Մկրտիչ  
Դաւթեանն արդէն ծանուցեալէ քեզ զաշ-  
խատասիրութիս և զգործս իմ յայսմիկ երկ-  
րի: Պարոնայք Հենրի Դյումենդ՝ սեղանա-  
ւոր Ճերինգ Կրասայ՝ որ ՚ի Լոնդոն, և Զան-  
քէյֆօրդ՝ գործակալ բժշկաց հասարակաց՝  
որ ՚ի Լոնդոն, առաքեալ են զիս ՚ի Պաղես-  
տին և ՚ի Պարահաստան, առ ՚ի քարոզել  
զաւետարանն Քի Երայեցւոց բնակելոց  
Յասորեստան և ՚ի Պարսիաստան:

Յընթապս քարոզութեան իմոյ  
 'ի Պաղեստին և 'ի ծոցն պարսկային պատեհ  
 կտլայ ծանօթանալ բաղում' անձանց պատ-  
 ռելի ազգին Հայոց, Ճանաչել զարժանաւոզ-  
 ութիւնս նոյա, և գիտել զնտիսանձաւորուի  
 նոյա 'ի սէօ քաղաքականութեան և կըօնի:  
 Թանգ Պարոն, ո՛չ էն ինձ կամք դարձուցանել  
 զմարդիկ 'ի կըօնս յառկացեալ ինչ եկեղեց-  
 ւոյ, քանզի Համարիմ զայնոսիկ ժողովուրդս,  
 որք ունին զՔ՛ իբրև զՀիմն Հաւատոց իւր-  
 եանց՝ և մկրտեալ են յանուննորին, իբրև զԵղ-  
 բարս՝ յիրաւի իբրև զսիրելի եղբարս 'ի Յ՛  
 Ք՛, որ է 'ի վերայ ամենեցուն ԱՌ օրհնեալ  
 մինչև յաւիտեան: Կամք և դիտաւորութի  
 իմեն միայն օգնել՝ որքան տայցէ ինձ Տէ՛ր  
 զկարողութիւն, օգնել ազգին Հայոց 'ի բա-  
 րեպաշտ և. 'ի բարենախանձ աշխատասիրու-  
 թիւնս իւրեանց, առ 'ի տարածել 'ի միջի  
 իւրեանց առաւել առատութեամք զգիտուի  
 Աւետարանի, և ցոլացուցանել 'ի նոսա զըսս  
 քաղաքականութեան:

Ընթերցեալէ իմ զպատմուի  
 Մերովլբայ ձերոյ, զորոյ զանունն չկարեմ'  
 չի չատակել աստ առանց զգալոյ 'ի խորա

սրտի իմոյ զմեծարանս և զյարգութիւնառ այն  
 բարեպաշտ այրն Այ . հսկայ ոմն էր նա ՚ի  
 քարոզութիւն քըիատոնիւթեան . աւանդեաց  
 նա ձեզ զսուցը գիրս ՚ի լեզու ազգին ձեր-  
 ոյ, և ՚ի պէսպէս տեղիս ճանապարհորդաւի  
 առնելով՝ հաստատեաց զվարժատունս վասն  
 մանկանցն Հայկազանց Եւ մարթ է ասելզի  
 Հայք պարտական են զկնի Այ աշխատասի-  
 րութեանցն Մեսրովքայ, և զկնի սորա՝ աշ-  
 խատանցն Ներսեսի Կլայեցւոյ, որ Տրահան-  
 գեալ զօրացոց զազդն Հայոց բարեպաշտ գը-  
 ունածովք վարդապետութեան իւրոյ, և շարա-  
 գըրութեամբ աղօթիս ժամակարգութ : Հետե-  
 ղով իմ օրինակին Մեսրովքայ, հաստատեալ  
 եմ օգնականութեամբ և չորհօքն Այ, և  
 ձեռնառութե Անգղիացի և Հայկազուն բա-  
 րեկամաց գերեւու ուսումնարանս զմին ՚ի Բաս-  
 րայ, և զմիւն ՚ի Բուշեու . ուրանօր ուստերք  
 և դստերք Հայոց ուսանին զքանն Այ, և  
 զքարբառս Հայոց և Անգղիացւոց համեմատ  
 դրութեան և կարգի Բելայ և Լանկաստերայց  
 Եւ թէողէտ երկոքին ուսումնարանքս այսո-  
 քիկ հաստատեալ են վասն մանկանց ծնողաց  
 ամենայն ազգաց, սակայն արժմն է աստանօք

խոսառվանիւն՝ ՚ի գովութիւն և ՚ի պարծանա  
Հայոց՝ յայնոսիկ երկուս քաղաքս բնակելոց ,  
զի վերոյասացեալ երկոքին ուսումնարանքն  
Բասրայու և Բուշեռայ այժմ ուսուցանեն  
ըստ մեծի մասին զմանկունս Հայկազուն ձնո-  
ղաց Ակնունիմ և յուսամ յանհուն ողորմու-  
թիւնն ԱՅ , զի երկոքին ուսումնարանքն որ  
՚ի ծովն Պարսից , բորբոքեսցեն ՚ի սիրտս ձնո-  
ղաց այլոց ազգաց զհուը բարի և սուրբ նա-  
խանձաւորութեան , և այսուհետեւ սփիւռ  
տարածեսցեն զլոյս մշնջենական Աւետա-  
ռանին և զլոյս քաղաքականութեան ՚ի ծոցոյն  
Պարսից մինչև ՚ի սահմանս երկըին Աղուանից :

Եւ քանզի մանկունքս այսոքիկ  
հրահանգին ուսմամբ Աւետարանին խաղա-  
ղութեան , ՚ի զարգանալ հասակի իւրեանց ո՛չ  
յարուսցեն զաղմուկ և զխուովութիւն , այլ  
զխաղաղութիւն և զբարի կամս առ համազ-  
գիս և առ համասեռս իւրեանց , և եղիցին  
հզօր և անպարտելի ախոյեանք ըդէմբըռ-  
նակալաց և նեղչաց իւրեանց :

Այլսակայն մտածելով իմ զօ-  
դուռ և զպիտանութիւն հաստատելոյ զՀայ-  
կեան Ճեմարան մի ՚ի Լոնդոն , բազում ամ-

առվք յառաջ յառաջադրեալ եմ բարեկամաց  
և բարերարաց իմոց ուք յԱնգղիա, առ ՚ի  
օգնական լինիլ Հայոց ազգին ՚ի հաստատել  
զայսպիսի Ճեմարան մի ՚ի Լոնդոն ՚ի պէտա  
մանկանց Հայկազանց :

Արժան է աստյիշատակել, զի  
ոչ պարտաւորեացին թողուլ վեկեղեցի իւր-  
եանց Հայկազունքն այնոքիկ ուք յօժարակամ  
փոյթ յանձին կալցին հաստատել զՃեմարան  
մի ՚ի Լոնդոն։ Առանց իրիք արգելման ու-  
նիցիք անդան օր զարձակութիւն և զարտօնութիւն  
տալոյ մանկանց ձերոյ զուսումն աւետա-  
րանական և գիտնական, և ոչ ոք պարտաւո-  
րեացէ զՃեզ խոստովանիլ զՃեզ լինիլ ան-  
դամք Եկեղեցւոյն Անգղիոյ, կամ ընդունիլ  
զիշխանութիւն այլոյ ուրուք պատրիարքի  
՚ի վերայ ձեր, Եթէ ոչ միայն զիշխանութիւն  
Հայրապետին ձերոյ՝ այսինքն կաթուղիկոս-  
ին Եջմիածնի քանզի Անգղիացիք գիտեն և  
հաւաստի են, զի ոչ անուն Անգղիացւոյ և ոչ  
անուն Հայկազնոյ առաջնորդեն մարդոց յար-  
քայութիւն երկնից, այլ գործնական և հաւաստի  
գիտութիւն Յի Քի միայն։ Օրէնք Անգ-  
ղիոյ թոյլ ասյցեն ձեզ անփոփոխ ուահել

զկարգ և պարարողութիւն աստուածային պաշ-  
տաման նախնի հայրապետաց ձերոց, և զիրա-  
ւունս կրօնի և եկեղեցւոյ ձերոյ, և զհաստա-  
ռեալ կանոնս օրինադրութեան ձերոյ և զբը-  
նական հանգամանս անձին ձերոյ, և միանգա-  
մայն վայելել զամենայն օգուտու Անգղիական  
ուսումնականութեան և գիտութեան:

Դարձեալ ունիք դուք կը-  
րել զհալածանս, զնեղութիւն և զնզովս յԱնգ-  
ղիական եկեղեցւոյ կարէք արձակօրէն և ան-  
երկիւղ գրել և խոստովանիլ զՄեսրովք ո  
զՆերսէս շնորհալին, զՕձնեցին, և զհայրա-  
պետն ձեր՝ զԵփրեմ լինիլ Ճշմարիտ ծառայք  
ՅԵՔԻ, առանց լինելոյ ՚ի վտանգի ընդու-  
նելոյ զանաթեմայս և զբանադրանս յեկեղեց-  
ւոյն Անգղիոյ: Ամեն իրեն թոյլ տուք ինձ առ-  
նել ձեզ զյետագայ յառաջադրութիւնս:  
»: Յառաջադրեցաւ զի Հայկազունքն ընա-  
կեալք ՚ի Կալկաթա՝ կարգեալուն զժողով մի  
հնգետասան անձանց, առ ՚ի խորհրդակցիք  
սակս հաստատելոյ զՀայկեան Ճեմարան մի ՚ի  
Լոնդոն:

»: Յետ հաւանութիւն տալոյ ժողովոյն այս-  
մեկ յառաջադրութեան, վոյթ յանձին կալզիք

Խւղարկել յԱնգղիա զմանկունք ոմանս յազգեն  
Հայոց, եթէ 'ի չքաւոր և եթէ 'ի մեծա-  
ռուն ձնողաց. և այնոքիկ մանկունք՝ որք լնա-  
րեալ լինին 'ի ժողովոյն գնալ յԱնգղիա վո-  
ռւաման պարտին գիտել գրել և կարդալ  
Հայերէն :

Դ : Ոմանք 'ի պատուաւոր Հայկազանց՝ եթէ  
'ի վարդապետաց և եթէ 'ի քահանայից՝ պար-  
տին ուղեկ ցութեամբ գնալ լնդ մանկանցն այ-  
նոցիկ յԱնգղիա :

Դ : Այնոքիկ անձինք և այնոքիկ մանկունք  
որք առաքեսցին յԱնգղիա հաւանութեամբ  
ժողովոյն՝ պարտին լնդունիլ 'ի ժողովոյն  
զթուղթս յանձնարարուե՞ 'ի վերայ յետագայ  
աւճանց. առ Հենրի Դրամենդ ասպետ, 49,  
Ճէրինդ կըաս, 'ի Լոնդոն. բ , Զան Բէյ-  
ֆօրդ ասպետ՝ գործակալ բժշկաց հասարա-  
կաց, 'ի Լոնդոն. դ , Զէմս Միլլար ասպետ՝  
ատէնադպիր քըրիթանական և այլազգական մի-  
աբանութեան դպրոցաց, 'ի Լոնդոն. զթուղթն  
Զէմս Միլլար ասպետի հաճեսցիք ներփա-  
կել 'ի թղթի Պարոն Դրամենդի, և զօրի-  
նակ նորա 'ի թղթի Պարոն Բէյֆօրդի «  
Դ : Նախքան զջուռումն այնոցիկ մանկանց յԱնգղի-

ղիա , Համեսջիք ազդ առնել զայն գործ  
 Պարոնայք Բէյֆօրդի , Դրամէնդի և Միւ-  
 լարի . սակայն ոչ պարտիք յապաղել առ ՚ի  
 առաքել զմանկունսն մինչև ստանայցէք զպա-  
 տասխան թղթոյ ձերոյ 'ի վերոյառացեալ Պա-  
 րոնաց . քանզի քաջ գիտեմ ես զզգայողուհիս  
 և զխորհութես նոցա . և հաւաստի եմ յոյժ  
 զի ջանալոց են նոքա ամենայն ջանասիրութք  
 և կարողութք իւրեանց առ ՚ի գլուխ տանել  
 զառաջադրութիւն ձեր , հաստատելով զՃե-  
 մորան մի 'ի Լոնդոն :

Ե : Եթէ ոմանք 'ի ճնողաց բնակելոց 'ի Կալ-  
 կաթա կամիցին ուղարկել զմանկունս իւրեանց  
 յԱնգլիա , գրեցէք թուլթս վերօյառացեալ  
 Պարոնաց Դրամէնդի , Բէյֆօրդի և Միւլա-  
 րի , և յայտնեցէք նոցա զգումար դրամոյն , զոր  
 Հայկազուն բնակիչքն Կալկաթայ յօժարակամ  
 ունին տալ սակս հաստատութեան Հայկեան  
 Ճեմարնի միոյ յԱնգլիա . միանգամայն և ինդ-  
 ըեցէք 'ի Պարոնաց Դրամէնդէ , Բէյֆօր-  
 դէ և Միւլարէ , ժողովել զդրամն յԱնգլիա  
 վասն հաստատութեան այսպիսի Ճեմարանի :  
 Ն : Գրեցէք զթուղթ մի 'ի վերայ նոյն առ-  
 արկայի առ մեծապատիւ Լարդ Գիլֆօրդն

ար 'ի Հոնդըն, և ներփակեցէք զթուղթ ասաց  
յեալ ազնուականին 'ի թուղթս Պարոնաց Դը-  
րամինդի և Մելլաբի:

Է : Հաճեսջիր գւել թուղթս առ Պըն Ղու-  
կաս Յովսէփեան որ 'ի Բումբայի, առ Պարոն  
Մկըտիչ Զօհըրապեան որ 'ի Մադըրս, առ  
Պարոն Սէթ Ծատուրեան որ 'ի Թաւըէզ,  
առ Պարոն Պետրոս Ստեփանոսեան որ 'ի  
Զուղայ, առ բարեկամս իմ՝ Պարոնայք Յա-  
րութիւն և Առաքել Կոստանդիանոսեան որ  
'ի Բուշեռ, առ Հայկազունս բնակեալս 'ի  
Բասրայ և 'ի Շիշազ, և առ Հայկազունս  
ուր և գտանիցին. և յայտնեանց զթուղթն Պըն  
Մարտիրոսի Մկըտիչ Դաւթենց, և զթուղթն  
իմ զոր գրեցի առ քեզ. և ծանթ նոյս զյա-  
ռաջագրութիւնսն, զոր Հայկազուն բնակիչքն  
Կալկաթայ իցեն արարեալ:

Ը : Գրեցէք թուղթս ամենայն Պատրիարքաց  
ձերոց, և յայտնեցէք նոյս զայսոսիկ յառաջա-  
դրութիւնս տպագրութեամբ. և խնդրեցէք  
զհաւանութիւն նոյս, զի առաքեսցեն զոմանա  
'ի Վարդապետաց Խւրենց առ Պարոնայք Դըրա-  
մինդ և ԲեյՓօրդ յԵնգիա, առնուլ 'ի Վար-  
ձու զտուն մի վասն Ճեմարանին. 'ի Խնդրոնց

և ժողովել զդրամն յօգուտ Ճեմարանին. և  
յայտնել Պարոնաց Դրամէնդի, Բէյֆօրդի  
և Միլլարի, թէ զորքան դրամն Հայկազունքն  
կարեն տալ 'ի Տաստատութիւն յառաջա-  
ռը եալ Ճեմարանին, միանգամայն և խնդրել  
զնպաստ և զօգնականութիւն առատաձեռն  
բարերարաց իմոց՝ Պարոնաց Դրամէնդի և Բէյ-  
ֆօրդի :

թ : Խնդրեցէք 'ի բարեկամաց ճերոց ամ-  
ուրեք, առ ՚ի ճեռնամուխ լինիլ 'ի սկզբնա-  
ւորութիւն Ճեմարանին միանգամայն, առա-  
քելով յամենայն տեղոջէ զմի կամզէրկուս  
'ի Հայկազուն մանկանց Անգղիա :

ժ : Գրեցէք զթուղթս Պարոնաց Փիսկո Կինգ,  
Գուդելև Բլրդին, ոքք են Ամերիգացի մի-  
առնարք և բնակին յԵրուսաղէմ և են մտե-  
րիմ բարեկամք իմ։ և յայտնեցէք նց զյառա-  
շադրութիւնս զայս՝ արարեալ 'ի Պարոն Մար-  
տիրոսէ Մկրտիչ Դաւթեանց և յինեն, և  
խնդրեցէք 'ի նոցանէ զի գրեսցեն նց զթուղթս  
յԱմերիգա, որով Ամերիգացի քրիստոնեայքն  
ուղարկեացեն զնպաստաւորական տուրս իւլ-  
եանց առ Հենրի Դրամէնդ ասպետ որ 'ի Լոն-  
դոն, վասն օգնականութեան յառաջադրեալ

Ճեմարանին որ՝ 'ի Հոնդոն. քանզի անում Պարոն Դրամենդին քաջայայտ է ամենայն քրիստոնէ ից յԱմերիգա բնակելոց. և նոքա ո՛չ ունիցին ներհակութիւն ինչ բնաւին առ ՚ի ուղարկել նմա զդրամն օգնականութեան ։  
 Ժա: Հաճեաց տպագրութե հրատարակելը թուղթն Պարոն Մարտիրոսի Մկրտիչ Դաւթեանց և զթուղթն իմ՝ զորս գրեցաք առ քեզ և յաւել՝ ի նոսա զանուանս մեր երկոյունց ։ զի Հայկազուն Պարոնայքն՝ որք ցանկայցեն թղթակցութիւն ունիլ լնդ Պարոն Մարտիրոսի Մկրտիչ Դաւթեանց և լնդիս՝ կարասցին գիտել զեղանակ գրելոյ զհասցէն նամակաց մերոց։

Պարոնայք, Ճանապարհորդեցի ես լնդ միջագետս, և անդանօր անցի ը լերինս Մահալամեայ և լնդ լեաւն Սենաար։ Բովանդակ բնակիչն երկոյունց լեռանցն այնոցիկ էին Ասորի քրիստոնեայք։ որք ՚ի քարոզունց և ՚ի վարդապետութեանց Եփրեմի Ասորւոյ և Յակոբայ Մծբնայ հայրապետի ուսեալ են ՚ի վաղնջուց աղօթել առ Յիառու Քրիստու որ է ծնող մեր ամենողորմ։ որպէս և դուք չայքի ուսեալէք ՚ի վարդապետութեանց

Ներանսի Ալայեցւոյ աղօթել առ Յն Քն՝  
 առ Տուրն այն կենդանի, որ բոըբոքէ՝ ի սիրտս  
 մեր զհուը սիրոյ իւրոյ։ Բայց սակայն բնա-  
 կիչքն լեռանցն Մահալամեայ և բնակիչքն  
 Սենապար լերին սակաւ փոյթ կալան առ ՚ի  
 ուսուցանել մանկանց իւրենց զաւետաւոր բանս  
 սը Աւետարանին։ սակաւիկ մի հաճեցան նոքա-  
 ընդ վարդապետուիս Յն Քն։ սակայն որով-  
 հետեւ հաւատք նոցա ոչ էին արմատացեալ  
 ՚ի սիրտս նոցա՝ իսկ և իսկ յանցեան նոքա գայ-  
 թագղութք սակս սիրոյն աշխարհի, յորժամ  
 եկին ՚ի Վերայ նոցա հալածանք և նեղութեք,  
 քանզի, աւաղը զի ոչ էին նոքա հաստատել  
 յաւետարանն սուրբ։ և վարդապետք նց յան-  
 հոգս կացեալ թմբրեցան և ոչ զգուշացան  
 անշէջ պահել զհուըն կենդանի ՚ի սիրտս  
 ժողովրդեան։ և ամենայն Ասորի քրիստոնեյք՝  
 բնակիչք լեռանցն Մահալամեայ՝ եղեն Մահ-  
 մետականք՝ պաշաճնատարք սուտ մարդարէին  
 այնմիկ, որ եհեղ զարիւն նախահարց նոցա՝  
 զարիւն սըբոց Եկեղեցւոյ իւրեանց։ և Ասորի  
 քրիստոնեայքն՝ որք բնակին ՚ի լեառն Աենա-  
 ար՝ դարձան յաղանդ Եղիտապ։ և աշտանակք  
 չըսպարանաց նոցա՝ ՚ի բայց բարձեալ վարդա-

պետք և քահանայք նոցա, երեցք և կը տանիք  
 նոցա ողջոյն եղեն Եղիտք. այսինքն՝ Ճշմարիտ  
 երկրագուք սատանայի. սակայն ես յուսում  
 և ակնունիմ տեսանել՝ ի ձենջ զրարեգոյն  
 գործա, եղբարք իմ Հայկազունք. արդէն գոր-  
 ծեալէ ձեր զբարի և զգովելի գործա, առ ՚ի  
 զարթուցանել յազգի ձերում զսէը երկնային,  
 և յարուցանել՝ ի նոսա զհոգի Մեսրուլքայ,  
 Ներսեսի Կլայեցւոյ, Մովսիսի և Գրիգորի  
 Ըստաւորչին ձերոյ : Միւելի եղբարք, այսպ  
 արարէք հանապազ, որով և Եղիջիք ըստաւոր  
 ՚ի մէջ ամարելելիան քրիստոնէից. և ազգ ձեր  
 պայծառափայլ ծաղկեսցի ՚ի ծագու աշխարհի :  
 Քաջալերացարուք, զօրացարուք առ ՚ի հաս-  
 տատել զջիմարանդ զայր ՚ի Լոնդոն, և ես  
 յուսում և հաւատամ զի Տէր Աֆ բնակեսցի  
 ՚ի նմա, և փայլեցուացէ զլոյս երեսաց իւրոց  
 ՚ի վերայ մանկանցն այնոցիկ, որք հօահանգել  
 ուսանիցին ՚ի նոյն ձեմարանի. և յաւուր մի-  
 ում դասեսցին նոքա ՚ի շարա այնոցիկ անձանց,  
 որք յաղթելնուածեսցին զհակառակորդսիւր-  
 եանց ապացուցութեամբ Ճշմարտութեան Հո-  
 գւոյն սրբոյ. և Եղիցին նոքայաւուր յայնմիկ,  
 յորժամ եկեսցի արեգակն արդարութե՛ ու-

նելով զբժշկութիւն ՚ի վերայ թեոց իւրաց,  
 յայնմհրաշափառ աւուրն ասէմ՝ որդիք ձեզ  
 հրահանգեալք ՚ի Ճեմարանն Լոնդոնայ, եղիս-  
 ցին ՚ի շարս այնոցունց, որք ցուցեալեն բազ-  
 մաց զՃանապարհ արդարութեան. և փայլես-  
 ցին իւրե զպայծառութիւն երկնից, և իւրե  
 զշողշողուն աստեղս յաւիտեանս յաւիտենից:  
 Եւ որդիքն Հայկաց եղիցին մեծ առաջի ԱՇ,  
 մեծ յարքայութե ԱՇ: Ողջոյն տուր ՚ի դիմաց  
 իմոց Պարոնաց Յովհաննիսի Յ. Աղանութենց,  
 Յարութիւնի Գալուցեան, Պօղոսի Յորդա-  
 նանեան, և Սարդսի Յ. Սարգսեան:

Մնամ, Թանգ Պարոն, քեզ բարեկամ՝

և եղբայր ՚ի Փըրիստու՝

**ԶՕԶԷՔ ՎՈՒԼՔ**

ՄԻԿԱՆԻՔ 8

Ար պատուի և ռետուայի նո և ծ խոչոյի շաբախուն  
Երևան Մարտ 41 5 հոմ 19:

### Յորդուակ

Առ պատուելի հասարակութին Հայկազնոց

Բնաբոյս բնութիւն է մարդկայինս սեռի լինելքանաւոր. և յաղագս այնորիկ հարկ ՚ի վերայ կայ ցուցանել յամենայն առթի զիւըն ներգործութիւն. սմին իրի ՚ի սկսանիլ զգործ ինչ՝ պարտի ընտրողութիւն ինչ կանխապես առնել, և առաջնորդութք լուսոյ բանին ընթանալ՝ կշռադատելով զպահագայս գործոյն՝ ՚ի չարէն հրաժեշտ տալով հեռանալ, և զբարին սիրելով ընդգրկել:

Այլարդ քաջածանօթ է ձեզ ամենեկուն ողբալի կայութիւն տառապեալ սերնդոյն Հայկայ. կորուսեալ եմք զթագաւորութիւն մեր, կորուսեալ եմք զաղգային պատիւ և զփառս մեր, կորուսեալ եմք զինամակալու մայր մեր զՀայաստան. և խլեալ, կորզեալ, աքսորեալ, վտարանդեալ ՚ի լանջակ բնիկ երկրին մերոյ ցիր և ցան սփոռել

բնակիմք՝ ՚ի սահմանս օտար աշխարհաց, և  
 պանդիստայել թափառիմք՝ ՚ի մեջ այլազգեցէ  
 Զըկեալ եմք յաղատուել մերմէ, զըկեալ եմք  
 յարգաւանդահոլ կալուածոց մերոց, միան-  
 գամայն և զըկեալ եմք յամենայն ընչից՝ ո՛չ  
 կարեն փառաւոր հանդիսացուցանել զորդիս  
 Հայկայ. վանեցաք յերկիրս ստրկութեն. ծան-  
 րացան՝ ՚ի վերայ պարանոցաց մերոց անուրք գե-  
 րութեան. ծանրացաւ՝ ՚ի վերայ մեր լուծ ծա-  
 ռայութեն՝ սաստկագոյն քան զլուծնախնի Հա-  
 գարացւոց. ծանրացան՝ ՚ի վերայ մեր շղթայք  
 բունաւորութեան՝ ծանրագոյն քան զբունակալ-  
 ութիւն նախնի մոխրապաշտ Պարսից : Եւ  
 ոչ այսչափ միայն, այլ և որ առաւելողքա-  
 լին է, գոլով ընդերկար ընդ իշխանութեալ այլ-  
 ազգեաց՝ ոմանք՝ ՚ի մենջ մոռացեալ են զբնիկ  
 բարբառ մեր, ոմանք օտարացեալ են՝ ՚ի լան-  
 ջաց մօրս մեր՝ սուրբ Եկեղեցւոյ. և ոմանք  
 առանց ցաւելի տարաբախտութեանս, գոլով  
 ընտելացեալ Ծոյն ծառայութեան՝ գրեթէ  
 մոռացեալ են թէ երբեմն եին ազատ և  
 անձնի շխան. և տեսեալ զնուաստացեալ կտ-  
 ութիւն ազգիս Հայոց՝ ամօթ համարին կո-  
 չել զինքեանս Հայք՝ զանուն մի ասեմն որ

ով նախնիք մեր պարծանս համարէին կոչել  
 զինքեանս 'ի ժամանակս Արշակունեան թագա-  
 ռորացն մերոց զանուն մի իմա, զոր պատուով  
 արտասանէին մեծամիտ Հռովմայեցիք, և  
 որոց փառացն նախանձախնդիր էին 'ի հնումն  
 ամենայն ազգք աշխարհի : Իսկ զի՞նքէ պատ-  
 ճառ այժմեան ան շքութեան և նուաստութե  
 Արամեանս գրոհի . ո՞չ ապաքէն տգիտուին  
 է գլխաւոր պատճառ նորին . որ 'ի բառնալ  
 ազատութեան և իշխանութե 'ի տանես Հայ-  
 կազանց, և 'ի շիշանի լուսաւոր գրագիտացն  
 մերոց 'ի յանկարծահաս մըրկաց հայածանաց  
 նեղչաց մերոց, սկսաւ թագաւորել 'ի միջի  
 մեր խաւարամած մթութք . և զրկելով զմեզ  
 'ի լուսամիայլ շաւղացն իմաստութեան, խար-  
 ևափեցուցանել զմեզ 'ի լարիւրինթոսս յիմար-  
 ութեան և թշուառութե : Արդարե, տգի-  
 տութիւնն է տիրապէս մայր ամենայն մոլո-  
 թեան, և թշնամի ամենայն հասարակաօգուտ  
 և ազգշահ գործոց . եթէ լուսացնցուղ նշոյլք  
 իմաստութեան ցոլանային 'ի Հայաստան, և ե-  
 թէ Ճեմէսք մեք 'ի պայծառութեան գիտուե  
 և բաղաքականութե, սոյնասարաս խլումունք  
 ոչ արմատանցին 'ի մեզ . և զմեզ ոչ տեսա-

նէաք այսօր թափառականս և գերիս 'ի վե-  
րայ երեսաց հողագնտի . և ո՛չ տեսանէաք  
զմայր մեր՝ զհայաստան նստեալ 'ի գերուեն,  
'ի թշուառութեան և 'ի սուգ տրտմութեն :

Եւ քանզի ունիմք մեք զբանա-  
կանութիւն սեռին մերոյ, և տեսանեմք զմեզ  
տարագըեալ 'ի ծոցոյ մօրս մեր Հայաստանի,  
պարագանեալ մեզ ոչմիայն զգալ զծանըուի աղետից  
մերոց և հերձուլզիրոտ մեր տրտմութ, այլ  
ամ ջանիւք ջանալ և հայրենասիրական հոգւով  
գուն գործել դարման ինչ մատուցնել վիրացն  
զոր պատճառեալ են 'ի մեզ շղթայք գերուեն  
մերոյ: Հետեւեսցուք օրինակի հայրենասէը և  
ազգասէը Հայկազանցն՝ որք 'ի զանազան ժա-  
մանակս մատուցեալ են ըստ կարեաց իւրեանց  
զդեղ ցաւոց մերոց հասարակաց: Հետեւեսցուք  
և օրինակի նոյա՝ որք մինչև ցայսօր ընձե-  
ռեն զօդնականութիւն իւրեանց 'ի կանգնումն  
ազգին մերոյ և 'ի վերանորոգութիւն նախ-  
նի պատռույ և փառաց նոյա: յորոց աշխա-  
տասիրութեանց դոյզն ինչ պտուղք երեին,  
բայց տակաւին ո՛չ են տարածեալ առ ընդ-  
հանուր ազգս Հայոց ուստի հարկ 'ի վերայ  
մեր կայ ջանալ զայնպիսի հնաբեկց բուռն հաբ-

կանել, և զայնպիսի յառաջադրութիւն առ-  
 նել, որով գիտութիւն և քաղաքականութիւն  
 տարածեսցին առ ազգս մեր ընդհանրապէս  
 Արդարե, պատուելի համազգիք իմ, առար-  
 կայ յառաջադրութեանս՝ զօր ընդհուպ ու-  
 նիք տեսանել է կարի դժուարին վասն այժ-  
 մեան կայութեան ազգին մերոց. բայց և այն-  
 պէս ոչ է միանգամայն անհնարին. քանզի ամե-  
 նայն ինչք՝ որ դժուարին և անհնարին երե-  
 նացին մարդոյ՝ գիւրին և հնարանոր են Այ.՝  
 որ գիտէ օգնել բարեպատեհ և օգտառիթ-  
 գործոց արարածոց իւրոց. և չիք ինչ դըժ-  
 ուարին, որում ոչ կարիսէն յաղթել մարդիկ  
 անընդհատ աշխատութեամբ և միաբանութ-  
 ե եթէ կամք բազմաց ՚ի մերազնեայ հայ-  
 ըենասիրաց միասցի, ոչ եղիցի դժուարին ՚ի  
 գլուխ տանիլ զայս յառաջադրութիւն ։ Ու-  
 նիմք մեք զգեղեցիկ օրինակս յաջորդեամբ առ  
 Բրիթանացիս. որք հայրենասիրութեամբ և մի-  
 աբանութեամբ շքեղացեալ պայծառափայլ փայ-  
 լին այսօր իբրև զարեգակն ՚ի մէջ աշխարհին  
 բազումք յայսոցիկ ազնուամիտ և վսեմախոհ  
 արանց՝ ոչ շատացել Եւրոպական գրադիտութ-  
 ել եղուագիտութեամբ՝ ՚ի բազում ամաց հետ

տէ սկսեալ են ուսանի լ զպէսպէս բարբառս  
 Ասիայւոց , և խուզողական Տետաքըքըութը  
 Տետազօտել և 'ի խնդիր լինել գիտութեանց  
 'ի շտեմարանս արեւելեան լեզուաց . և այն-  
 պիսի յաջողակութեամբ յուածացն լեն 'ի նոյն  
 ուսմունս , մինչեւ 'ի բարբառս Երրայեցւոց  
 Սանսկրիտաց , Արաբացւոց և Պարսից թարգ-  
 մանութիւնս առնել և մատեանս շարագրել .  
 որպէս ահա ակներեւ տեսանեմք 'ի Հնդկաս-  
 տան զպէսպէս պիտեան և զհասարակաօգուն  
 միաբանութիւնս հաստատեալս 'ի նոյնունց , և  
 զբազում երեւելի ձեմարանս և զդպըռոցս 'ի  
 տարածումն քրիստոնէութեան , ուսման և քա-  
 ղաքականութեան : 'ի մէջ բազմաց՝ զառաւել  
 երեւելին և գերագոյնն միայն է ինձ ախոր-  
 ժելի յիշեցուցանել աստանօր . այն է՝ Ասի-  
 ական Միաբանութիւնն որ 'ի Բանգալա , հաս-  
 տատեալ իբրու երեսուն ամօք յառաջ յԱնդ-  
 ղիացի բնակչայն Կալկաթայ . որոց բարեյիշա-  
 տակ և գերիմաստ աթոռակալն՝ Աըս Վկիլ-  
 էմ Զօնմ՝ քաջայայտ է ամենեցուն սակս խո-  
 րին գիտութեան և բազմաժամանակեայ գրա-  
 ւորական աշխատասիրունց իւրոց . որոյ շքեղ  
 քընակին և միւս անդամք միաբանութեան Տե-

տեւելով՝ արտադրեալ են մինչև ցայսօղ զբա-  
 զում կենցաղօգուտ և զարմանալի գործու և  
 յաւելեալ են ՚ի մթերս իմաստութեան զբա-  
 զում պատուական ակունս և զանսպառելը  
 գանձս գիտութեանց թողում ասել և զան-  
 համար երեւելի միաբանութիւնս, համարս-  
 րանս և ճեմարանս Եւրոպիոյ, որոց լինելուն  
 և օգուտքն քաջայտ են ամենայն քաղաքական  
 ազգաց Արդ՝ ընդ այսու բարեյաջող և քա-  
 ջալերական պարագայիւք, եթէ ոմանք ՚ի մե-  
 ծատուն և յերեւելի մերազնէ ից մինչեւ ցարո-  
 դի նեալ էին առ Բրիթանացիս վասն օգնա-  
 կանութեան, ո՞չ ապաքէն յօժարակամ Ճե-  
 մարան մի հաստատէին նոք ՚ի մայրաքաղաքին  
 իւրեանց ՚ի Լոնդոն, սակա հրահանգութեան  
 և օգտի մանկանցն Հայոց. հաւատամ անտա-  
 րակոյս, զի եթէ ոմանք ՚ի պատուելի Հայ-  
 կազանց լեալ էին յորդոր կամ պատճառ ՚ի  
 հաստատութիւն այսպիսի կենցաղօգուտ վար-  
 ժատան, ոչինչ խափանածք արգելել ունէին  
 զյառաշաղրութիւնոց. քանիզի Անգղիացիք  
 գոլով մարդասէրք, ուսումնասէրք և բարե-  
 սէրք՝ յօժարութեամբ և սրտի մոռք ունէ-  
 ին ձեռն տալ և նպաստամատոյց լինել ան-

առ բում չ վատանդեալ անօդնական քրիստոնեայ եղբարց իւրեանց ։

Իսկ արդ՝ որովհետեւ ոմանք՝ ի նախնեայ մերոյ ոչ դադարեցան առնելզամենայն ինչ ըստ կարեաց իւրեանց յօգութ և ի բարութիւն մերազանց, քայց ոչ եղեն ձեռնհաս առ ՚ի լինիլ պատճառ հաստատութեայկեան ձեմարանի միոյ յընդդիա, ահաւասիկ Ընդդիացիք ՚ի գութ շարժեալ ՚ի վերայ աղգային թշունառութեան մերոյ յօժարին ձեռնամուխ լինիլ ՚ի հաստատութիւն այսպիսի բազմաօգուտ վարժատան, եթէ մեք ոչ իցեմք անյօժար նկրտիլ յօգութ ազգի մերոյ ։ Արպէս լունեալ իսկ էք, զի Հէնրի Դրամենդ ասպետ՝ սեղանաւոր Լոնդոնայ, Զան Բէյ Քօրդ ասպետ՝ գործակալ բժշկաց հասարակաց՝ որ ՚ի Լոնդոն, և ատենդապիլքն Բրիթանական և այլազգական դպրոցաց՝ որ ՚ի Լոնդոն, արարեալ են արդէն զբազում մարդասիրական գործս, հաստատեալ են զբազում պիտեան վարժարանս յօգութ պէսպէս աղգայց և ունին ՚ի մոխ հաստատելզայկեն ձեմարան մի ՚ի մեծաշուք և յազատ մայրաքաղաքին ՚ի Լոնդոն, վասն հրահանգութեան և կա-

տարեալուսման մանկանցն ազգին Հայոց։ Առքա  
 ունելով՝ ի միտս իւրեանց զայսպիսի բարի և  
 օգտառիթ խոկմունս, և տոգորելով զմիտս  
 իւրեանց փառօքն ԱՇ և բարեկամութեամբ  
 առ ազգ մարդկան՝ ուղարկեալ են յԱնգղի-  
 ոյ զյարգելի Պարոն Զօդեֆ Առլին ի քա-  
 րողութիւն Հրէից բնակելոց ի Պաղեստին և  
 ի Պարսիա, միանգամայն և յաղագս հաստա-  
 տութեան դպրոցաց՝ ի պէսպէս քաղաքս յօ-  
 գուտ ամենայն ազգաց որպէս և սա հաստա-  
 տեալէ զուսումնարանս՝ ի Հալապ, ի Բաս-  
 րայ և՝ ի Բուշեռ ընդ հովանաւորութեամբ  
 և օգնականութեամբ թրիթանական տեղակառ  
 լաց. և նոյնգունակ ունի ի մտի իւրում հաս-  
 տատել զգպարոց՝ ուր ուրեք և ձեռն հաս իցէ.  
 այսինքն՝ ի Զուղայ, ի Թաւրէզ, յԵրեւ-  
 ան և յայլ պէսպէս տեղիս։ Աս մեծաւ յու-  
 սադրութեամբ, յորդորանօք և քաջալերութ-  
 իսոստանայ՝ որպէս և քաջայայտ երեխի՝ ի թըղ-  
 թոյ նորա, զի միջնորդութեամբ, օգնականու-  
 թեամբ և գործակցութեամբ բարեկամաց իւրե-  
 ոց ունի օգնել մեզ առ՝ ի հաստատել զՀայ-  
 կեան ձեմարան մի՝ ի Լոնդոն վասն հրահան-  
 ութութեան սերնդոցն Հայկայ. յորում ուսուս

ցեն զամենայն աղատական արհեստու և զվաեւ  
մաշուք գիտութիւնս։ Եւ վասն կրթութե  
քրիստոնէական կրօնի մերոյ ըստ անստերիւը  
կանոնացն Եկեղեցւոյն հայաստանէայց, ունին  
տանիլ անդ լնդ աշակեցտապ զոմանա 'ի մերւ  
ազնէայ Եկեղեցականապ՝ որք կատարեացեն անս  
դանօր զանձային պաշտօնն 'ի բարբառ և 'ի  
ծէսս հայաստանէայց սուրբ Եկեղեցւոյն, ոոց  
յանհաւատ Պարսիաստան և յեւկըին հեթա-  
նոստաց՝ 'ի Հնդկաստան ունիմք մեք զեկեղե-  
ցիս և զքահանայս մեր. զի մի մանկունք մեր  
խորթանայցեն յազգային և յեկեղեցական սո-  
վորութեանց մերոց։

Ովկաթելի և պատուելի ազգա-  
կիցք իմ, աղաչեմ աստանօր մտադիւլագոյնա  
ուշադիր լինիլ բանիս, և հայրենասիրական  
հոգւով հայիլ յամենայն պարագայս յառա-  
ջադրութեանս այսորիկ, և 'ի մեծամեծ օգ-  
տառիթ հետեանս՝ որք ունին յառաջգալ  
'ի հաստատութենէ այսպիսի Ճեմարանի մի-  
ոյ. աղաչեմմի՛ հարեւանապի լնթեռնուլ զբանա  
մեր, այլ ունելով զօգուտ ազգին 'ի սիրտօ  
ճեր՝ ազգային հոգւով լնթեռցէք զայս, և  
ազգային հոգւով լնթայարնւք։ Տեսէք, թէ

զարքան պտուղս խոստանայ մեզ այս բազմա  
 օգուտյառաջադրութիւն։ և խորհեցէք թէ  
 զորպիսի առատ հունձս ունի իք վայելել՝ ՚ի  
 վերջոյ։ Երկիրն Բըրիթանացւոց է բարեխառն  
 և ազատ։ բնակիչքն պայծառ և քաղաքական,  
 կառավարութիւնն արդար և ազատական։ գի-  
 տութիւնքն են ծաւալեալ և ընդհանրական։  
 արհեստքն յաճախեալ և դիւրագիւտ։ Անդա-  
 նօր մանկունք մեր կարեն ազատաքայլ լինթա-  
 նալ՝ ի Ճեմարանս ուսմանց։ անդանօր ման-  
 կունք մեր ստասցին զկատարեալ գիտութիւն  
 Ճշմարտութեան, զվարեմախոհ և զհայրենասի-  
 րական խոկմունս, և զքաղաքավար զանահա-  
 ճոյ վարս։ անդանօր սերունդքն Հայկայ ըմ-  
 պելով յաճախ յաղբերեն ազատութեան, և  
 ստանալով զազատակամ և զազնուական միտս՝  
 զգասցեն սաստկապէս զցաւս և զաղէտս, և  
 որովք համազգիք իւրեանց խորդան՝ ի գերուե։  
 զգասցեն զթ չուառութին ազգային, իբրև  
 զթ չուառութի անձին։ զգասցեն զայն արդարեւ  
 և յաւուր միում դիմագրաւ հանդիսանալով՝  
 քաջութեամբ ջանահնար լիցին բեկանել զծանը  
 շլթայսն՝ որովք իբրև ՚ի հինգ հարիւր ամառ  
 հետէ կաղեալ կաշկանդեալ տառապին ոռու-

Ըաբաղդ Հայկազունքն . զգասցեն զայն անտառ-  
օսկոյս , և անվեհեր . արիութե նկրտեսցին  
կորզել զհայրենիս մեր 'ի պլշութե այլ-  
դենից և բարբարոսաց , և զեկեղեցիս մեր յա-  
րատաւորութենէ ժանտ Մահմետականաց :  
Արժան է մեզ յուսալզի հաստատութե այս-  
պիսի ազգաօգուտ Ճեմարանի 'ի Լոնդոն՝ ոչ  
միայն պտուղք ուսման առաւելցին և տարծես-  
ցին 'ի մերումերկրի , այլ և կենցաղօգուտ  
և արժանաւոր մատեանք նախնեաց մերոյ՝ որք  
այժմ փոշոտեալ թագուցեալ կան 'ի մթան և  
յանյայտութեան՝ տպագրութե 'ի լոյս լննայ-  
եսցին և դիցին 'ի վերայ աշտանակի . որ-  
ով լնդհանուր ազգ մեր ունին զլուսովն զմայ-  
լիլ և միսիթարիլ : Ուր թողցուք և զայս ,  
զի գուցե տէրութին Անգղիացւոց ինամակա-  
լու լեալ 'ի վերայ տառապեալ ազգին մերոյ ,  
տայցէ զպատուաւոր պաշտօնս , որպէս և  
պետութին Ռուսաց տայ անխտիր : Բայց Անգ-  
ղիա է ազատ և օրինաւոր երկիր , և Ռու-  
սիա է ենթակայ իշխանութե ինկնակամթա-  
գաւորի :

'ի վախճան բանիս մնայ այժմ  
Քետելմեզ , թէ զինչ պարտիմք առնել . այս

Է կարծիք նուշաստութեաւ Նախ՝ յամենայն  
քաղաքի մերազնեայքն ժողով արասցեն վասն  
այսր յառաջադրուեն և 'ի ժողովի անդ ընտ-  
ընսցին վերակացուք, գանձապետք և դպիրք  
որք փոյթ յանձնին կալցեն ժողովի զդրամա  
և զտուրս օգնականութեն։ Երկրորդ ուրու-  
եք միաբանեալիցեն առ այս վախճան, հա-  
մապատասխանատուութեք ծանուցեն միմեանց  
զորպիսութի իրացն, և ջանասցեն յառաջացու-  
ցանել զայս յառաջադրութիւն մեծ և ազ-  
գաօգուտ։ Երրորդ՝ կարգեացեն ընդհանրա-  
կան տեղակալս 'ի Լոնդոն՝ զՊարոնայս Հեն-  
րի Դրամենդ սեղանաւոր Լոնդոնայ, Զան-  
բէյֆօրդ կամ Զէմս Միլլար՝ ատենադպիր  
Բրիթանական և այլազգական միաբանութե-  
դպրոցաց՝ որ 'ի Լոնդոն։

Հուսկ ամենայնի չմայ ինձ  
զայլ ինչ ասել, եթէ ոչ ցանկալով յամսըտէ  
իմմէ տեսանել զայս յառաջադրութի գլուխ  
ելեալ՝ եղէ, եմ և եղէց յարգուե ձերում՝

Ամենախոնարհ Շառայ՝  
Մարտիրոս Միքայէլ Դաւթեանց ։  
Ի Երազ, 'ի I Յունվարի, 1825 ։

Եւ իմաստունք ծագեային ի՞ւլ զլուահառործին ՚ի հաս-  
պապութեած ։ և Եաշը մտ յարդուրոց ի՞ւլ զլաստեղոց յո-  
սկուեան ։ և Լուս Դասն ։ Գլուխ ։ համ ։ Յ ։

## Բ Ա Ն

՚ի Պարոն Յովհաննիսէ Ավղալեանց

Առ պատուելի Համազգիս իւր, յաղագա-  
Հայկեան վերոյասացեալ Ճեմարանին ։

Հայք մեծաւ բերկրութք և բարեհաճութք  
առաջի առնեմձեզ զթուղթս յարգելի Պարոն  
Զօնէֆ Առուլֆին, և զյուղորական թուղթ  
Պարոն Մարտիրոսի Մ ։ Դաւթեանց, յաղագա-  
Հաստատութեան Հայկեան Ճեմարանի միոյ ՚ի  
Լոնդոն ՚ի պէտա Հրահանգութե Հայասեռ  
Համբակաց ։ և Հաւաստի եմզի ըստ բնատուր  
ազգասիրութե ձերում ունիք ընթեռնուր  
զնոսա սոյնանման բերկրութք ։ այլ սակայն ո՞ւ-  
քան առաւել լիցի ուրախութի մեր ամենեցուն,  
՚ի տեսանել զայագիսի բազմաօգուտ յառա-  
Հարբութին ՚ի գլուխ ելեալ ։

Այլարդ թեպէտ և վերոյ-  
ասացեալ յարգելի Պարոն Զօնէֆ Առուլֆն

աւետարանական հոգւով լիովին բացատրելէ  
զհանդամանսյառաջադրեալ Հայկեան ձեմա-  
րանին, և ցուցեալ է զըազում օգուտս՝ զորս  
ազգ մեր ունին քաղել յայսպիսի յառաջադր-  
ութեալ, և թէպէտ և յորդորական բանք Պա-  
րոն Մարտիրոսին ըստ բառականին ազդուց-  
կան են առ ՚ի զարթուցանել՝ ի սիրոս մեր-  
ազանց զիոյթ հաստատութեան այսպիսի ձե-  
մարանի, սակայն և այնպէս չէ անդէպ ինձ և  
սակաւուք յայտնել զիսոնարհ խոկմունս մտաց  
իմոց, և մանաւանդ յիշատակել զայնպիսի բանս  
որք ոչ գտանին յիշատակեալ ՚ի թուղթս վե-  
րոյասացեալ Պարոնաց:

Արդարե՝ պատուելի համազ-  
գիք իմ, յառաջադրուի հաստատելոյ զՀայ-  
կեան ձեմարան մի ՚ի Լոնդոն՝ է այնպիսի յա-  
ռաջադրութի՝ որ խոստանայ զանչափ օգուտ  
և զանչափ բարուի տառապել ազգին մերոյ.  
յառաջադրուի մի ասեմ, որով լոյս աւետա-  
րանական և գիտսական ուսմանց հառադայթեն լ  
ծագեսցի ՚ի խոնաւ եղերացն Թամեսի յազնիւ  
քաղաքին՝ ՚ի Լոնդոն, մինչև ՚ի յարդաւանդա-  
հող և ՚ի լայնարձակ դաշտս Արարատայ.  
յառաջադրութի մի ասեմ, որով ապագայ սե-

ըունդքն Հայկայ զարգացեալ և զօրացեալ ՚ի  
սէր ԱՇ, ՚ի սէր հաւատոյ և ՚ի սէր հայրե-  
նեաց՝ քաջութք դիմագրաւ լիցին առ ՚ի վայր  
իջուցանել զմահիկն ԱՄահմետի և ՚ի վեր  
ամբառնալ զսուրբ խաչ փրկական. յառա-  
ջադրուի մի իմա՞զոյ ամենայն Ճշմարիտ Հայ  
պարտի ՚ի սրտէ ցանկալ յառաջացուցանել,  
և որում ամենայն քրիստոնեայ մարդասէր պար-  
տի մատուցանել զիւրն օգնականութիւն:

Ժամանակ մի գոյր ։ սիրելի  
հազարգիք իմ, յորժամ բըտուի և տգիտուի  
թագաւորէին առ նախնի Հելլենացիս ։ բայց  
սակայն երեւեցան ՚ի միջի նոյալսէմախոհ արք  
ոմանք, որք կամելով ուղղել զարգային բը-  
տութիւնը գնացին յԵգիպտոս վասն ուս-  
ման ։ որ յայնժամ էր պալլադիոմն գիտուեց  
և բարոյական իմաստութեան։ Սոքաէին թա-  
ղէս, Սոկրատէս, Առ ։ որք դարձ արարեալ  
յԵգիպտոսէ և կարեկցեալ ՚ի վերայ բըտուե  
համազգեաց իւրեանց բացին նոյա զհանքս  
բարոյական միլիսոփայութե, զոր բարձեալ  
ըւրեալ էին ՚ի Յունաստան։ Եւ այսպէս կըու-  
ունելու նոյա ընդ նախապաշարմանց Յունաց  
և ցողեցուցանելու ՚ի միտս նոյա զողջամիտ և

զբարի խոկմունս՝ բարեգործեցին զվիճակն ց, և մուծին զքաղաքականութի՝ ի հայրենիս իւրեանց : Առյանման ազգային օգուտք կան ահաւասիկ առաջի մեր . բուռն հարցուք զայս օգտառիթ յառաջադրութե, և ահա նոյնպիսի միսիթարութի՝ եթե չկայ մեծագոյն՝ վիճակենցի Հայաստանի, զոր երբեմն վայելէք քոյր նր. Յունաստան : Հայկաղուն մանկունքն գնալով՝ ի Հայկեան Ճեմարանն ՚ի Լոնդոն, և ձգելով՝ ի հոգիս իւրեանց անդանօր զառաւօտեան ցօղն իմաստութե, դարձցին՝ ի Հայաստան հոգեպարար հարստութե . և տեսել՝ ի համազգիս իւրեանց զբարտութի անգրագիտութե և զայերջանիկ կացութի նոցա՝ շանացեն՝ ի բաց քերել՝ ի նոցանէ զնախապաշարմունս նոցա, և մուծանել զքաղաքականութե և զազատութի յարգաւանդահոլե երբեմն յերանիկ ձորս Արարատայ :

**Ժամանակ մի գոյր, պատուել լի համազգիք իմ, յորժամ Հայաստան մերկացեալ զրկեալ՝ ի փառաց իւրոց, որդիք իւը ազատազգիք լանեալ գերեցան՝ ի Պարսից զօրեն երամակաց անհովիւ ոչխարաց . յայսմիկ դառն ժամանակի ասեմի ծագեցան վերապատ**

ունելի եպիսկոպոսն Սարգիս և բարեպաշտն  
տէ Օթրակոս՝ արք լուսաւորեալք յԱՅ. որք  
շարժեալ հոգւով հայրենասիրութեան համ  
տանեցին ՚ի Հայաստան զբաղում դպրոց յօ-  
գուտ և ՚ի միսիթարութիւն տառապեալ հա-  
մազգեաց իւրեանց որով և մեծապէս հոգի  
առեալ զօրացան ըստ հոգեռօրական կենաց ։  
Բորբոքեալ մեջ հորիգեցաղաց օրինակի սց  
ո՞չ է արժան ջանալ ըստ կարեաց մերոց թե-  
թեւեցուցանել զբեռն տառապանաց ՚ի պա-  
րանոցէ ազգին մերոյ, օգնելով և ՚ի գլուխ  
տանելով զայս յառաջադրութիւն համտատե-  
լոյ զՀայկեան Ճեմարան մի ՚ի Լոնդոն ։

Ո՞վ ստուերքդ միաղեայ և Սոկ-  
րատայ, ազդեցէք ՚ի սիրոս սերնդոցն Հայ-  
կայ զնոյն կիրս ուսումնասիրութեն. վառեցէք  
՚ի խորա սրտից նոցա զհուր իմաստասիրութե.։  
յորդորեցէք զնոսա հետեիլ պանծալի օրի-  
նակի ձերում. ուսուցէք զնոսա մի ամօթ  
համարիլ առ ՚ի ուղղել զպակասութիս նոցա,  
դիմելով վասն ուսման ՚ի Բըրիթանիա. որ եր-  
բեմն եր յայնալիսի կապուեն՝ յորում կայ այժմ  
Հայաստան, և ուսանելով զվաեմափայլ գի-  
տուին ՚ի Բըրիթանացոց որք եւբեմի էին յայ-

աղիսի պարագայս՝ ոպ Հայկազունքն են այժմ ։  
 Դիմեցի՞ք առ Բըհթանացիս, ով համազգիք  
 իմ, նոքա են քրիստոնեացք և աղատք ։ Նոքա  
 օգնեացն ձեզ նպաստաւորութեանց իւրեանց ։  
 Նոքա երբեմն եին նման մեզ ապերջանիկ և անո  
 շուք ։ Երկիր նոցա ծածկեալէր մթութե, և  
 թխպայորդ մթուի ծածկեալէր զժողովուրդս  
 երկրին ։ Աակայն զօրութի նոցա եհեղ ՚ի նո  
 զբալասան փըկութեան Հետեեցան նոքա լու-  
 սոյ գիտութե ։ տեսին թէ ուր դնի կարողութե  
 իւրեանց ։ և խորտակեցին զշշթայս բոնա-  
 ւոր յաղթականաց իւրեանց ։ Արդ զի՞նչ ազգ  
 առաւելի իմաստուն, զի՞նչ ազգ առաւելի փար-  
 թամ և բարերար, զի՞նչ ազգ առաւել հզօր,  
 առաւել աղատ և առաւել աներկիւղ, քան  
 զերջանիկ ժողովուրդս Բըհթանական կղզեաց ։  
 Օրինակեցի՞ք զօրինակ նոցա, և հետեեցի՞ք  
 ոլոնծալի գաղափարի նոցին ։

Ո՞ւլատուերքդ Մարգարի և Աի-  
 րակոսի, ոը ՚ի մըրկածրւի թխպապատ ժա-  
 մանակի և ՚ի բարբարոս Երկրի ոչ դանդաղեա-  
 ցայք մեղմել զաղէտս մեր հասարակաց և օգ-  
 նել մեզ յաղերջանիկ և ՚ի գիշերապեալ կա-  
 ցրութե մերում, ՚ի ձեռն հաստատութե կենա

ցաղօգուտ դպրոցաց, լուցէք զջահ հայրեանասիրութե ձերոյ 'ի հոգիս մեր, որք եմք 'ի խաղաղ և յազատ տէրութե. առ 'ի նուիրել զինչս և զսպասահարկութիս մեր 'ի հաստատութի այսորիկ բավմաօգուտ ձեմարանի 'ի մայրաքաղաքին Անգղիոյ 'ի միայնակ յերկրին Ճշմարիտ ազատութե. Զարթուցէք զմեզ 'ի մահանդոյն քնոյ թմբըրուե, առ 'ի արթուն մտօք նկրտիլ վասն ազգի, կեալվասն ազգի, և մեռանիլ վասն ազգի :

Թիերևս ոմանք 'ի մէնջ պատճառս 'ի մէջ բերելով ասիցեն, թէ ահա ունիմք աստանօր զջեմարանն Մարդասիրական, որ գոլովնորոգ միաւորեալ ընդ Հայկան Վարժարանին, բայց է վասն ընդունելութե և հրահանգութե մանկանցն Հայոց. և զի՞ պիոյ է մեզ ևս հաստատել զջայկեան Ճեմարան մի 'ի Լոնդոն Այսմ պատասխանիմ, թէ արդարեւ վայելեմք աստ զօգուտ ու առումնարանի միոյ 'ի Կալկաթա. բայց համեմատելով զամ զպարագայս և զուսմունս սուրին ընդ յառաջադրեալ Ճեմարանին 'ի Լոնդոն՝ յոյժ հեռի եղիցուք ունիլ զայսպիսի էարծիս. քանզի աստանօր մանկունք մեր մի-

այն ուսցին զայն ամ՝, որ Տարկաւոր է առ ՚ի  
Տոգալզհարկաւոր պիտոյս իւրեանց. իսկ առ.  
դանօր ուսեալքն այնքան կատարեալ եղիցին,  
մինչ միտ դնիցեն Տոգալ զպիտոյս Տասարա-  
կաց և զհասարակաց բարին։ Նա և օգուտքն  
Մարդասիրական Ճեմարանին մնասցեն միայն  
՚ի Հայկագուն բնակի չըն Հնդկաստանու. իսկ  
օգուտքն Լոնդոնայ Ճեմարանին հասցեն և  
ներգործեսցեն ՚ի սիրտ Տայրենի աշխարհին  
մերոյ. նազի՝ ուսումնարան տեղւոյս եղիցի իբ-  
րև Տանդերձիչ դպրոց, յորում մանկունք մեր  
զկնի ուսանելոյ զնախակըթութիս ուսմանց  
կարեն գնալ ՚ի Ճեմարանն Լոնդոնայ, առ ՚ի  
ստանալ զկատարեալ և զազատական ուսումն։

Գուցէ ոմանք ևս դժուարին  
Տամարելով զայս յառաջադրութ ասկցեն, թէ  
պիտոյ է մեծ գումար գրամոյ վասն Տաստա-  
տութեն այսպիսի Ճեմարանի, և թէ չէ հնար  
դիւր ու Տաւաքել զբաւական տուրս և զօդ-  
նականութի յազգէն Հայոց, ըստ սակաւթիւն  
Հայկագուն բնակչայն կալկաթայ։ Այսմ պա-  
տասխանւեմ, թէ արդարե անհնար եղիցի ՚ի  
կատար Տասուցանել զայս յառաջադրութիւն  
եթէ ընդեղքն ՚ի միջի մերում ոչ բանայցեն

զքսակն առատաձեռնութե իւրեանց առ ՚ի  
Հաստատութի այսպիսի մեծագործ և պիտե-  
ան առարկայի ։ սակայն ընդ Հակառակն եթէ  
միակամ՝ նպաստամատոյց լիցին առատաձեռն  
արովք իւրեանց, կարօղ լիցին հաստատելո՛չ  
միայն զՃեմարան մի ՚ի Լոնդոն, այլ և զմիւս  
մի ևս ՚ի Փարէզ ։ և ոչ այսչափ միայն, այլ  
և մի միայն հարուստ և պատուելի անձն ՚ի  
միջի մերում, ( փառք առատուե բարերած  
ըին ) կարօղ է իւրով իսկ տրովք և ծախուք  
՚ի գլուխ տանելզայս յառաջադրութի, առանց  
կարօտելոյ օդնականութեան այլոց Ո՞չ ապա-  
քէն եղիազարեան Ճեմարանն ՚ի Մոսկով, է  
վկայութի և մեծ իմն վկայուե բանից իմաց  
Այլ սակայն Մոսկով է ՚ի սահմանս տերուե  
ինքնակալ թագաւորի, որոյ կամքն է օրէնք և  
իսկ Լոնդոն է մայրաքաղաք օրինաւոր և կար-  
գագրել տերուե՝ որոյ թագաւորն իսկ հպա-  
տակ է օրինաց երկրին :

Չեն ինչ զարմանք, զի ոմանք  
յառաւել որդեսէր և ՚ի խանդակաթ ձնո-  
ղաց հաւանեացին ընդ այս օգտառիթ յառա-  
շադրութիւն, բայց զարգել ինչ ՚ի մէջքեր-  
եալաւիցեն, թէ ի՞ւ սիրուք մեր զօրեսցեն բա-

Քանել զմանկունս մեր՝ ի մէնջ, և առաքել  
 զննյայնպիսի հեռի և յօտար աշխարհ, ուը  
 ոչ գոն ծնողք և ապդականք առ՝ ի զգուշա-  
 նալ և խնամն ունիլ՝ ի վերայ առողջութե-  
 և վարուց նոցա : Ո՞չ ապաքէն Հնդկաստան,  
 ո՞չ ապաքէն Եգիպտոս, ո՞չ ապաքէն Պարսի-  
 աստան, ո՞չ ապաքէն Տաճկաստան, ո՞չ ապա-  
 քէն Մոսկով են օտար աշխարհք վասն մեր և  
 Մի թէ՛ չեմք մեք ամենեքին տիրապէս օտա-  
 րականք և պանդուխտք՝ ի վերայ երեսաց երկ-  
 րի . ապա ընդէ՛ ո՞չ ընտրեսուք զբարեգոյնն  
 և զազատասգոյնն քան զամերկիրս . որպէս մեք  
 արդէն ընտրեալ եմք վասն բնակութե մերոյ  
 զբազում երկիրս , որոց իշխանքն են բռնա-  
 ւորք, և որոց տեարքն են այլակըօնք և ան-  
 Տաւատք : Այլ սակայն խոստովանիմ, թէ  
 բնական իմն է ամենայն ծնողաց ունիլ զայս-  
 պիսի ցանկութիւն զկարծիս յաղագս մարմնա-  
 ւոր բարեաց որդւոց իւրեանց . և եթէ այսքան  
 ըշճակաթ իցեն առ՝ ի ապահով կացուցանել  
 զառողջութիւն նոցա ըստ մարմնոյ, ապա ո՞ր-  
 քան առաւել պարտական են խնամոտ լինիլ  
 սակա բարօրութեան և երջանկութեան նոցա  
 ըստ հոգւոյ, արդարեւ այնքան տուաւել պար-

տին Հոգալ յայսմ՝ մասին, որքւն առաւել  
 է Հոգի քան զմարմին, և որքան յարգոյ են  
 Հոգեկան բարիք քան զմարմնականս : Աղաջեմ  
 զայսպիսի ծնողս նկատել զծնողական ինամն  
 դրացեաց մերոց, զազնուական և իմաստուն  
 Անգղիացի բնակչացն ասեմ՝ Հնդկաստանու .  
 որք մինչը իցեն տեսեալ զքաղցրեկ մանկունս  
 իւրեանց հասեալ՝ ի հասակ եօթն ամոց, բա-  
 ժանեն զնոսա ՚ի լանջաց իւրեանց, և բար-  
 ձեալ՝ ՚ի նաւս՝ ուղարկեն զնոսա առ տեղին  
 գիտութեց վասն Հոգեկան բարեացնոցա . եթէ  
 սոքա՝ որք են ազատք և կարօղ են աստ և ս  
 հրահանգել զմանկունս իւրեանց՝ եթէ կամի-  
 ցին՝ այսպէս առնեն, ապա ո՞րքան առաւել  
 մեզ պարտ է զնոյնն կատարել . որք ոչ եմք  
 ազատք և ոչ կարեմք աստանօր հրահանգել  
 զմանկունս մեր յայնպիսի ազատական հւամունս,  
 ոչ նոքա առնեն յԱնգղիա : Թողում՝ յիշե-  
 ցուցանել և զայս զի մանկունք եղիցին առա-  
 ւելուժ եղ՝ ՚ի կազմուածս մարմնոյ իւրեանց,  
 հնազանդք ծնողական իշխանութեն, առա-  
 ւել բարի և իմաստուն ժառանգք և պիտա-  
 նացու անդամք աղգի, յորժամ զտցեն զու-  
 սուն յերկրին Անգղիոյ և հեռի ՚ի տեսուն

ճնողաց իւրեանց, քան թէ ՚ի տան իւրեանց  
և առաջի երեսաց նոյա. և այս քաջայայտ է  
ամենեցուն, որք հայեսցին շուրջանակի մտա-  
դրութ և քննութ, և խորհեսցին զանշքացն լ  
վիճակս բազմաց գերդաստնաց բնակելոց ՚ի կալ-  
կաթա, որք երբեմն էին փարթամ և երեե-  
լի: Եթէ տուեալէր նոյա զօրինաւոր և ըզ-  
կատարեալուսումն մանկանց իւրեանց, յիշաւ  
տակք նոյա աւաւել քաղցրագոյն և ախոր-  
ժելի լինէր քան զանուշահոտութի նորաբաց  
դեռափիթիթ վարդոյ. և նոքա ունեին վերս-  
տին կեալ յաւիտեան յառաքինազարդ կեանս  
ուսեալ և բարեբարոյ մանկանց իւրեանց:

**Ահա**, պատուելի համազգիք  
իմ, լիուլի բազատրեցաւ հարկաւորուի այս-  
պիսի Ճեմարանի, և լիուլի ցուցան անթիւ  
օգուտքն՝ որք ունին ձնանիլ անտի համօրէն  
ազգի մերում. ահա պարզապէս յայտնեցաւ  
հնարաւորուի հաստատելոյ զայս պիտեան Ճե-  
մարան, միակամ և ազգասիրական օգնականու-  
թե Հայկազանց, և մարդասիրական նպաստա-  
ւորութ և գործակցութ Բըրիթանապւոյ. ահա  
բացերեւ հաստատեցաւ ՚ի վերոյ, թէ չիք  
և չիք ինչ խափանանար ՚ի գլուխ տանելոյ  
զայս ազգաօգուտ յառաջադրութիւն, եթէ

Հայրենասիրական, դիւցազնական և մեծագործ  
 ճական հոգւով վարեսցուք, և եթէ ոչ լինի-  
 ցիմք անփոյթ զբարօրութեն երկըին մերոյ, և  
 թշնամիք հայրենեաց և վերանորոգուեն ազգի  
 մերոյ։ Մինչ Յոյնքն զարթուցեալ՝ ՚ի թմբ-  
 ըութեն գերութեն իւրեանց պէսպէս քաջա-  
 սիրտ գործովլք արութեն նկրտին փրկել զին-  
 քեանս ՚ի ստըկութեն Մահմետականաց, չէ պարտ  
 մեզ յետնորդ գտանիլ առ ՚ի բարեգործել  
 զինքակս մեր, և վերանորոգել զիաւու երկ-  
 ըին մերոյ։ Մինչ այսքան օգուտք և բարութե-  
 յանդիման երեխին աջաց մերոյ, և երբ տեսա-  
 նեմք ՚ի մեզ զկարողութիւն և զլնդունակութեն  
 վայելելոյ զնոյն պտուղս բարենց, մո՛թ յանձին  
 կալցուք միասիրտ միակամ հաստատել զայա-  
 կենցաղօգուտ Ճեմարան ՚ի Լոնդոն։ Վառես-  
 ցնեք զմեզ սիրով նախահարց մերոյ, ոքք ոչ  
 խնայեցին զինչս և զանձինս իւրեանց զո՞ն  
 նունիթել հասարակաց օգտին։ Վառեսցնեք  
 զմեզ ՚ի սէր ազգին Հայոց՝ քանզի մք եմք  
 Հայք և զտառապեալ վիճակ նոցա բարե-  
 գործեացնեք ։ Վառեսցնեք զմեզ ՚ի սէր հայրե-  
 նեաց, և զպառապեալ նորա վեցանորոգեացնեք ։  
 Վառեսցնեք զմեզ ՚ի սէր հաւատոյ և Քի՞  
 ոք են հեղզարիւն իւր վասն միրկութեն մերոյ՝ և

սրբեացնուք զԵկեղեցին յարատաւորու է և՝ ի  
պղծուե այլակրօնից։ Ո՞չ ապաքէն ողբամք վ՛՛  
այսր անշքութե։ և ո՞չ է ողբացեալ վասն  
սորա գերապանծ իշխանն տաղաջափից մերոց  
Ներսէս շնորհալին։

Եւ 'ի սեղանն՝ աճային,

ուր միշտ զենոյը՝ գառն ելինային։

Հարձը նստոյց՝ երգել 'ի նմին,

և գիներբուս՝ ըստ Հերովդին։

Յոշեն Եւեն յեշ 56։

Եկայք, եղբարք և համազգիք իմ, եկայք 'ի  
միասին, և միաւորեսցուք զմեզ 'ի աիրու իր-  
քւ 'ի սիրտ միոյ մարդոյ, առ 'ի միախորհուրդ  
'ի գլուխ տանիլ զայս յառաջադրութի։ և  
հաստատեացնուք զՀայկեն ձեմարան մի 'ի Լոն-  
դոն։ Առնելով ձեր զայտակիալ մեծագործութի  
թողջիք ժառանգայ ձերոց զբարեգոյն և զանս-  
պառելի ժառանգութի, քան զգանձս հարս-  
տութե։ զոր ցեցք և ուտիչք ապականեն և  
գողք ական հատանեն և գողանան։ Թողջիք  
հայրենեաց ձերոց զՀրիտակ շնաշխարհիկ։ և  
թողջիք յաշխարհի զանմահական և զանջնջելի  
յիշատակ, յամենայն ազգի և յամենայն ժա-  
մանակի։ և խնկաւետ բուրումն անուշահուսե  
բազմացասցի 'ի տաճարս մեր առ Հայրն Աֆ.

առ Արդին Աֆ, և առ Հոգին սուրբ Աֆ,  
 վեհ հանգստեան և երանուե անմահացել Հոգ-  
 ւոյ ձերոց։ Յայնժամ Հայաստան վայելեսցէ  
 զարդիւնս վաստակոց և սիրոյ որդւոց իւրոց։  
 յայնժամ յետագայ սերունդքն Հայկայ գո-  
 վեսցէն զյիշատակ ձեր և ուկերանգ գըովք  
 արձանացուացէն գանուն մեծագործուե ձերոյ։  
 յայնժամ և ապառնի պատմաբանք՝ ի գրել  
 իւրեանց զշարունակումն պատմութեան երկ-  
 րին մերոյ, դասեսցէն զձեզ՝ ի շարս այնոցիկ  
 լուսապայծառ անձանց՝ որք գործովք հայրե-  
 նասիրութեն և մարդասիրութեն անմահացեալ  
 են՝ ի վերայ աշխարհի։

՚Ի վախճան բանիս, Հայցեմ  
 ՚ի ձենչ, ՚ի դիմաց երկրին մերոյ և ՚ի դիմաց  
 սրբոյ կրօնին մերոյ, զի եթէ ոք կամիցի  
 թղթակցութիւն ունիլ ՚ի վերայ այսը առ-  
 արկայի, թէ յանուն յարգելի Պընջ. Առ-  
 փին և. թէ յանուն Պարոն Մարտիրոսին, գը-  
 րեալ ուղարկեսցէ զթուղթս իւր առիս, զորա  
 և ունիմ անթերի և ուրախութե հասուցա-  
 նել առ վերոյասացեալ Պարոնայս։

ԳԱԱ Դիմնարար Գիտ. Գրադ.



FL0678217

ՀՅԱՅԻՆ

ԴԻՄԱՆՆՈՒԹԻՒՆ

Կի գիմաց մօք մերոյ Հայաստանի:

Հայի աւշունք

Հայկազննէք՝ Հայկազննէք՝ Հայկազննէք՝

մայրահեծ՝ իմ որդիք՝ և քաջ սիւնք.

մառապի՝ քաջ ժառանգք՝ դիւցաղունք,

ունը ձեր մառք՝ ունը իմ շուք՝ ունը իմ սիւնք:

Հայկազննէք՝ Հայկազննէք՝ Հայկազննէք՝

անուանի՝ Տոյակայ՝ մեծատունք.

քաջազգը՝ մեծայարդ՝ և գիտունք,

ունը ձեր կար՝ ունը ձեր յարդ՝ ունը ձեր տունք:

Հայկազննէք՝ Հայկազննէք՝ Հայկազննէք՝

փոյթ զարթեք՝ և լեռնք՝ ինձ թիկունք.

սուրբ սիրով՝ սուրբ սրտիւ՝ սուրբ մանկունք,

տուք ինձ մառա՛տուք ինձ շուք՝ լեռնւք սիւնք:

Հայկազննէք՝ Հայկազննէք՝ Հայկազննէք՝

ծախե ցին՝ ոսկիք ձեր՝ պապղունք.

հաստատել՝ հեռարան՝ ՚ի Լոնդոն,

ձեզ իմաստ՝ ձեզ պատիւ՝ ինձ անուն: